

» Grunnskule, SFO (skulefritidsordning) og skuleskyss

Grunnskular

Giske har 5 grunnskular: Vigra skule, Valderøy barneskule, Giske oppvekstsenter skule, Godøy skule og Valderøy ungdomsskule.

Opptaksområdet for barneskulane er kvar enkelt øy. Det er ikkje fritt skuleval, men elevar kan med heimel i opplæringslova søkje opptak ved ein annan barneskule enn den dei soknar til.

Elevar frå Giske og Godøy går 8.-10. klasse på Godøy skule, medan elevar frå Valderøya og Vigra går på Valderøy ungdomsskule.

Elevtal per 1. oktober 2019

	1.-4. klasse	5.-7. klasse	8.-10. klasse	SUM
Vigra skule	100	105		205
Valderøy barneskule	242	187		429
Giske oppvekstsenter, skule	44	38		82
Godøy skule	66	59	74	199
Valderøy ungdomsskule			262	262
Totalt	452	389	336	1177

SFO - Skulefritidsordning

Det er SFO-ordning ved alle barneskulane i kommunen. SFO skal vere sjølvfinansierande med unntak av ekstra kostnader til barn som treng tilrettelegging.

	Tal på barn i SFO	Tal på barn i SFO	Kor mange av desse har full plass	Kor mange av desse har full plass
Skule \ år	18-19	19-20	18-19	19-20
Giske oppvekstsenter	21	22	11	17
Godøy skule	32	34	13	25
Valderøy barneskule	144	126	63	56
Vigra skule	67	62	35	29
SUM	264	244	122	127

Skuleskyss

Teneste 2230 skuleskyss gjeld transport tll og frå skule, medan transport i skuletida (t.d. symjeopplæring) blir ført på teneste 2120 grunnskule. Fylkeskommunen organiserer både ordinær skyss og tilpassa skyss for elevar med særlege behov. Kommunen betaler ein eigenandel som tilsvarer enkeltbillett på buss etter ordinær takst, både for ordinær skyss og tilpassa skyss. Dette gjeld òg skyss for elevar ved private skular, der kommunen har plikt til å betale skyss til kommunegrensa. Elevar med delt bustad kan ha rett til skyss frå begge heimane.

Alle skulane unntatt Giske skule har skuleskyss. For elevar i 1. klasse er skyssgrensa 2 km, for eldre elevar er skyssgrensa 4 km.

Til saman hadde 259 elevar skuleskyss i 2019, av desse er 23 førsteklassingar. Totalkostnaden var 1.658.000 kroner.